

UGOVOR

za **Usluge čišćenja pješačkih površina na pothodnicima na području Općine Ilidža (Stup I Stup II, Blažuj I i Blažuj II)**

Ugovorne strane:

DIREKCIJA ZA PUTEVE KANTONA SARAJEVO, ulica Hamida Dizdara broj 1 Sarajevo, koju zastupa direktor Selmir Kovač, dipl. ing. saob. (u daljem tekstu: Naručilac)

i

JP "ILIDŽA" d.o.o., ul. Trg branilaca Hrasnice b.b., 71212 Hrasnica, koje zastupa v.d. direktor Senaid Tursunović (u daljem tekstu: Izvršilac),

PREDMET UGOVORA

Član 1.

Predmet ovog ugovora je nabavka usluga **čišćenja pješačkih površina na pothodnicima na području Općine Ilidža (Stup I, Stup II, Blažuj I i Blažuj II)**, u svemu prema postupku javne nabavke provedenog putem direktnog sporazuma, koji je proveden na osnovu donesene Odluke o pokretanju postupka javne nabavke broj: 04-11-28648/21 od dana 16.07.2021. godine, dostavljene ponude Izvršioca i Odluke o izboru najpovoljnijeg ponuđača broj: 04-11-28648/21 od dana 12.08.2021. godine.

Član 2.

Predmet ugovora i mjesto izvršenja definisani su Predmjerom koji je kao prilog dostavljen Izvršiocu zajedno sa Pozivom za dostavu ponude broj: 04-11-28648/21 od dana 16.07.2021. godine te Ponudom Izvršioca broj: 04-45-773/21 od dana 29.07.2021. godine.

Gore navedena Ponuda Izvršioca čini prilog ovog ugovora.

CIJENA I NAČIN PLAĆANJA

Član 3.

Ugovorne strane su saglasne da je ukupna cijena ovog Ugovora definisana prihvaćenom ponudom i iznosi

6.464,02 KM sa pdv-om
(slovima: šestiljadačetiristotinešezdesetčetiri i 02/100 KM)
(5.524,80 KM bez pdv-a)

Ugovorne strane su saglasne da je utvrđena cijena fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove.

Cjenovnik utvrđuje se na temelju jediničnih cijena iz ponude, po vrstama poslova.

Član 4.

Ugovorne strane su saglasne da će se plaćanje po ovom ugovoru izvršiti u roku od 60 dana od dana prijema računa i ovjere situacije od strane nadležnog nadzornog organa.

Plaćanje se vrši na račun o kojem Izvršilac obavijesti Naručioca.

ROK ZA IZVRŠENJE

Član 5.

Izvršilac se obavezuje da će poslove koji su predmet ovog ugovora kontinuirano izvršavati u skladu sa ugovorenim obimom i utvrđenom dinamikom u roku od **1 (jedne) godine** od dana obostranog potpisivanja ugovora, a radove redovnog čišćenja obavljati najmanje 3 puta mjesečno na svakoj od navedenih lokacija.

Izvršilac ima pravo da zahtjeva produženje roka za izvršenje u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje po predviđenoj dinamici.

Opravdanim razlozima za produženje roka za izvršenje usluge se smatraju slučajevi koji se ne mogu dovesti u vezu sa odgovornošću Izvršioca i to viša sila (prirodne nepogode, poplave, zemljotresi, i sl.), geološki i/ili hidro-klimatski uslovi, mjere predviđene aktima nadležnih organa, nastanak uvjeta za izvršenje usluge koji nisu predviđeni specifikacijom usluge, i slično. U slučaju eventualnog nastanka osnova za podnošenje zahtjeva za produženje roka izvršenje usluge, Izvršilac je dužan zahtjev podnijeti prema Naručiocu po hitnom postupku u odnosu na momenat nastupanja nepredviđene okolnosti.

OBAVEZE IZVRŠIOCA

Član 6.

Izvršilac se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim prilogima koji čine sastavni dio ugovora,
- ugovorene poslove obaviti u skladu sa važećim propisima i pravilima za tu vrstu posla, kao i zahtjevima naručioca navedenim u specifikaciji i pozivu za ponudu,
- garantovati kvalitetno izvršenje, i
- u svemu postupati prema nalogima naručioca ujedno poštujući odredbe pozitivno pravnih propisa, ovog ugovora.

Član 7.

Ukoliko Izvršilac ne izvodi posao u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, ili izvršava na način kojim se ugrožava sigurnost prometa, Naručilac ima pravo da obustavi daljnje izvođenje posla i da od Izvršioca zahtjeva da u datom primjerenom roku koji definiše naručioc otkloni nedostatke.

Ukoliko Izvršilac ni u naknadno utvrđenom roku ne izvršava ugovorne obaveze, Naručilac može raskinuti ugovor i posao ustupiti drugom Izvršiocu.

Izvršiocu se neće platiti posao koje bude izvodio nakon pismenog naloga Naručioca kojim se nalaže obustava i isti je odgovoran je za sve posljedice koje mogu proisteći iz osnova nepridržavanja obustave.

Izvršiocu se neće platiti ni poslovi koji nisu izvršeni prema nalogima, tehničkoj dokumentaciji, standardima, smjernicama i pravilima. Naručilac ima pravo da Izvršiocu odbije dio naknade od iznosa fakture za nekvalitetno i nepotpuno izvedeni posao.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvršenja, kao i štete prema Naručiocu i trećim licima, za koje je odgovoran Izvršioc, nadoknaditi će sam Izvršilac.

Na osnovu pismenog izvještaja o neizvršavanju ugovornih obaveza, Naručilac može raskinuti ovaj ugovor i tražiti naknadu prouzrokovane štete.

Član 8.

Izvršilac je dužan poslove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

OBAVEZE NARUČIOCA

Član 9.

Naručilac se obavezuje :

- pravovremeno uputiti prigovore na eventualne propuste tokom obavljanja usluge, a koji nisu u skladu sa ugovorom i ponudom Izvršioca usluge;
- uredno izvršiti plaćanje ugovorene usluge.

USTUPANJE POSLA

Član 10.

Izvršilac nema pravo ustupiti ugovorene poslove u cijelosti ili djelimično drugom pravnom licu.

VIŠA SILA

Član 11.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

KORIŠTENJE UGOVORNIH DOKUMENATA I POSLOVNA TAJNA

Član 12.

Izvršiocu nije dozvoljeno, bez izričitog pristanka Naručioca, objaviti ugovor u cijelosti ili dijelovima te objaviti informacije primljene od Naručioca. Navedeno se ne odnosi na informisanje ili pristup dokumentaciji vlastitog osoblja, ali sve samo u mjeri u kojoj je to potrebno za uredno izvršavanje ovog ugovora, te u drugim slučajevima propisanim pozitivnim zakonskim propisima.

Dokumente i podatke prema ovom ugovoru, Izvršilac i osobe navedene u ovom članu trebaju čuvati kao poslovnu tajnu tokom izvršavanja ugovora i u daljnjem roku od dvije godine po izvršenju ugovornih obaveza te su odgovorni za povredu navedene obaveze.

RJEŠAVANJE SPOROVA I MJERODAVNO PRAVO

Član 13.

Ugovorne strane će nastojati svaki spor iz ovog ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, za sve sporove iz ovog ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, nadležan je sud u Sarajevu.

POSEBNE ODREDBE

Član 14.

Ovaj ugovor ostaje na snazi do potpunog izvršenja ugovorenih usluga. Ugovorne strane mogu sporazumno raskinuti ovaj ugovor i prije njegovog izvršenja ukoliko, neovisno od ugovornih strana, nastupe okolnosti, koje bitno utječu na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Izvršilac nema pravo zapošljavati, u svrhu izvršenja ovog ugovora, fizičke i pravne osobe koje su sudjelovale u pripremi tenderske dokumentacije ili su bile član Komisije za javne nabavke Naručioca ili su u svojstvu stručnog lica bile angažovane od strane Komisije za javne nabavke, i to najmanje šest mjeseci po zaključenju ovog ugovora, odnosno početka realizacije ugovora.

Prava i obaveze ugovornih strana regulisana su pozitivnim zakonskim propisima Bosne i Hercegovine.

ZAVRŠNE ODREDBE

Član 15.

Ovaj ugovor stupa na snagu danom obostranog potpisivanja ovlaštenih predstavnika.

Sastavni dio ugovora su njegovi prilozi, i to :

- Ponuda Izvršioca broj: 04-45-773/21 od dana 29.07.2021. godine.

Član 16.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.

 **IZVRŠILAC:**

 Senad Tursunović
Direktor

JP Ilidža d.o.o. Sarajevo

Broj: 04-45-808/21
Datum: 19.08.2021. godine

 **NARUČILAC:**

 Senad Tursunović
Direktor

Direkcija za puteve Kantona Sarajevo

Broj: 04-11-28648-U/21
Datum: 12.08.2021. godine